

Wujudkan negara selamat – PM
Kosmo Online
June 14, 2012

KUALA LUMPUR - Perdana Menteri, Datuk Seri Najib Tun Razak menggalakkan rakyat Malaysia menyokong usaha-usaha kerajaan dan mengambil bahagian dalam membina persekitaran, masyarakat dan seterusnya negara yang lebih selamat.

Beliau berkata, banyak usaha yang telah dilakukan namun kerajaan akan terus mencari kecemerlangan dalam bidang itu untuk memastikan keselamatan rakyat.

"Anda mungkin boleh meneka apakah isu politik yang paling penting bagi rakyat Malaysia - ekonomi. Tetapi tahukah anda apakah isu yang kedua paling penting? Jawapannya adalah jenayah.

"Berita jenayah mendapat liputan penting dalam media dan secara semulajadinya, ia membawa kebimbangan kepada semua rakyat Malaysia.

"Oleh sebab itu, salah satu pencapaian negara yang kita harus banggakan adalah kedudukan negara kita pada Indeks Keamanan Global yang mana Malaysia telah diletakkan sebagai negara paling selamat di Asia Tenggara," katanya.

Najib berkata demikian dalam entri terbaharu beliau bertajuk '*Memelihara Keselamatan Dengan Mengurangkan Jenayah dan Meningkatkan Prestasi Polis Diraja Malaysia (PDRM)*' dalam blog www.1Malaysia.com.my.

Copyright © 2008. KOSMO! Online.

Source:

http://www.kosmo.com.my/kosmo/content.asp?y=2012&dt=0614&pub=Kosmo&sec=Negara&pg=ne_03.htm